

SARS E ANANELA TAELO YA LEKGOTLA E MABAPI LE KEKETSEHO YA VAT EO PEJANA HO NENG HO TSEBISITSWE HORE E TLA QALA KA LA 1 MOTSHEANONG 2025

Tshwane, 27 Mmesa 2025 – Khomishenara ya Ditshebeletso tsa Lekgetho tsa Afrika Borwa (SARS), Mong. Edward Kieswetter, o ananetse tumellano e pakeng tsa mekga mmoho le taelo ya lekgotla tabeng e mabapi le keketseho ya phesente ya 0.5 ya lekgetho la boleng bo ekeditsweng (VAT) eo pejana ho neng ho lebelletswe hore e qale ho sebetsa ho tloha ka la 1 Motsheanong 2025, mmoho le ditaba tse ding.

Ena ke taelo ya bohlokwa e fanang ka tlhakisetsa ho SARS hore e tsebe ho tsamaisa Molao wa VAT ka ho phethahala. Sena se na le ditlamorao tse nnete bakeng sa baji le barekisi ba VAT ba jarang boikarabelo ba ho tsamaisa VAT. Tsena ke:

- Taelo ya lekgotla e fanyeha keketseho ya phesente ya 0.5 eo pejana e neng e lokela ho qala ka la 1 Motsheanong 2025 mme ka hona, ha ho motheo wa hore barekisi ba VAT ba ka phethahatsa keketseho ya sekgahla sa VAT.
- Ho ipiletswa ho barekisi bohle ho hlophisa botjha mekgwatshebetso ya bona ho kgutlela ho 15%.
- Ho ipiletswa ho baji bohle ho nnetefatsa hore ba lefiswa sekgahla se nepahetseng sa VAT sa 15%. Ebang ho ka etsahala hore ba lefiswe 15.5%, baji ba lokela ho hlokomedisa morekisi seo le ho nnetefatsa hore sena se rarollwa ka nako ya thekiso kapa ho latela tumellano ya kopanelo.

Ho fumana lesedi le fetang lena, ka kopo ikopanye le SARSMedia@sars.gov.za